



Waldweide am Winkeshäuschen

Lengtörp am Eng vom vöriige Joahrhonget

Wenn mr sinn Jedanke trükk versätt, en de domolige Tied, dann kömmt e-inem die Üwerzeujong, dat noch niemols en Jenera-tion gelävt hät, die sonne Opschwong mettgemakkt hät, als use. Domols jov et ke Gas on ke Elektrisch, on kenn Waterle-itong. Als Lecht hadde mir Ste-inolig-Lampe (Petroleum). En dän Dörper wor owens ke Lecht op dr Stroot, on mancher es em Düstere met nem angere tesame ge-lo-epe. Als et ischte Filuziped (Fahrrad) kom, wor alles ut em Hüske. Äwwer wie et ischte Auto fuhr, dat konden die aule Lütt garnit begri-epe.

Wenn mer sech die domolige Stroote vör Ouge hölt, em Verhältnis to-u hüt, dann mot mer selver noch staune. Die Stroote become domols, wenn se kapott gefahre wore, en nöu-ie Brochsteindeck ut Kleinschlag, die dann met nem Ped gewalzt wud. Die Ste-in wuden em Rusedahls Ste-inbroch (heutige Müllkippe) gebrooke. Damet die Stroote nit so rasch kapottgefahre wuden, leihten se dicke Brochste-ine e-imol reits on e-imol lenks op de Stroot. On dat alle twentig meter. Et morgens wuden se op-gele-id on et owens widder davon. On e-in üwwer der angere Dag wuden se geweselt.

Die Fuhrwerke (Autos jov et domols noch

nit) mossen en Schlangenlinie fahre, öm e-imol reits on e-imol lenks die dicke, gekälkte Ste-in to passiere.

En den 80er Johre moß och die ganze Frocht mem Seiß gemi-ent wede. Do komen die Holländer no de Bure, on menden die Frocht per Morge för 3,50 bös 4,— Mark on de Kost. Die woren dann morgens met hell wede om Stöck, on dann ging et dorch bös dat es düster wor. Wenn die aule Bure von domols hüt die Maschine söhren, die mi-ene on dosche en e-inem, die wolden dann garnit mie sterve.

Em Wenkter wenn et kault wor, wuden die Frocht met nem Fle-ijel gedosche. Dat wor dann en schöne Dorfmusik, wenn se em Dreischlag am dosche wore.

Wenn am Nöttleberg (Christinenburgge-lände) Haver gesennt wor, de mos met der Graßseis gemi-ent wede, denn he wor meistens mär 20 bös 30 cm hoch, den Kons-dönger jov et do noch nit.

Fröher trokk och de Kermesprozession wie hüt. Wenn dann der Seege om Kerkhoff je-jeve wor on mer trokke dann op der Dopp-stadt to-u, dann wude gebett: „Der die Früchte der Erde geben und erhalten wolle!“ Enes Johres trokken wir och met der Pro-zession. Be-im Holzhängler Fritz Dornbusch

reiter Hank stong och e Stöck Haver, de wor blus angerhalv Hank huch. Do seiht use aule Köster Pitter Held to sinnem Newemann: „Willm, he-i nözt et beede nix, he-i mot Mest dronger“.

En dän Hüser, die domols stonge, hadden die aule Lütt all e-in oder twe-i Küh oder wenigstens e paar Hippe. Die hadden dann Melk on Botter selver. Die Lütt, die wenig Lank hade, gongen no Keisischweth on pachten sech e-in oder zwe-i Nommere Graß op de Hanielswiese uder am Schall. Wenn et dann Fröhjohr wuden, on et Fuder wuden knapp, dann gongen de Lütt met der Gaffel op de Feiler on diede Qui-eke schödde, domet se de Küh satt kräge. Äwwer bei allem Elend woren de Mensche tefriedener wie hüdzedag. Von dem Mudefimmel wie hüt, kanden die Lütt nix. Ji-e de Grosche de üwrig wor, wud op de hure Kant geleid. Ech kann en janze reih Lütt optelle, die sech be-i 90 bös 100 Mark Monatsenkuhme on ne janze Stall voll Blare noch e Hüske je-bout hand. Alleidings gov et domols en usem Vaterland och noch ke Finanzamt. Do wuden die Lütt noch nit so utgemolke wie hüt. Dann herrschden domols die aule preußische Sparsamkeit. Us Börgermeister-amt Angermonk wor domals genau so grut wie hüt uß Angerland, on wuden von usem Börgermeister Basel met 4 bös 5 Beamte verwaltet.

För et janze Johr diet mr be-im aule Bruns op e-imol de Stühr betahle. Mr konnt dat ut der Westkestäsch. Mine Vatter haht Hühser, völl Lank on e jut Jeschäft on betallden alles en allem 58,— Mark em Johr. Dabe-i wor he en dr II. Klass no däm Drei-klassen-Wahlssystem, dat he-ischt, he wor ne begüterte Börger. En dr ischte Klass wohr dr Graf von Spee on e paar rie-eke Lütt, en dr zwädde die jude Börgerlütt, on en de dredde Klass de Daglühner on Arbe-ider. Wenn me hüt dojeje verglikt: Hüt hätt mr dutzenderlei Stühr on we ne Besitz hätt, wie minne Vatter domols hat, de mot hüt, wemmer alles tesahme rechnet, manche Dousendmarksching an Stühr betahle. Dat hüt dr Vollziehungsbeamte pank-wank ut lo-epe mott, öm de Stühr tesahme te hole, datt kann mr wahl verstonn.

Wenn fröher em Fröhjohr de Fröhärpel, dicke Buhne, Eze on Stielmus jud wor, dann wuden be-im Lehrer för der angere Dag frei gefrogt. Dann gong et des Morgens jeje halver Vier Uhr ut de Federe, on dan wuden utgedöppt, tesame dann met nem Zentner Erpel oder angerhalve on e paar Ponk Botter op de Schufkar jelade, on dann ging et jeje säß Uhr no Kettwig oder Möllm nom Maat. En der Tied wor noch de steckse Grietberg, do konnt mer besser de volle Schufkar eronger fahre als de leedige erop. Wir komen dann gegen halb twe-i bös dre-i Uhr gerädert widder te Hus ahn on e paar Mark en der Täsche, die mr ut dem Gemüs gelöst hadden. Dat soll mr hüt mol e-inem anbi-e-de . . .

Peter Hamacher

